

TORTURA. Bihar arratsaldean Donostian eta Hazpamen egingo diren manifestazio isilekin bat egin dute EHkoek

EHko hautetsiek «torturaren drama» arbuiaztzera deitu dute euskal gizartea

Ezker Abertzaleak salatu egin du torturarekiko EAJ, EA, PP, UPN eta PSOEk duten jokabidea

Joseba Arruti | BILBO

«Euskal Herrian torturatzen jarraitzen da gaur egun, eta batzuek errealitate hori ukatzen duten bitartean beste batzuek beste alde batera begiratu bai-zik ez dute egiten». Salaketa hori egin zuten atzokoan Bilbon Euskal Herriarrok taldeko hamaika alkatek, koalizioak di-tuen hautetsi guztien ordezkari legez.

Arrasate, Oiartzun, Aretxabaleta, Itsasondo, Zaldibia, Ibarra, Zestoa, Anoeta, Oresa, Gatika eta Ajangizko alkateek bihar Donostian eta Hazpamen torturaren aurka burutuko diren manifestazio isiletan parte hartzeko deia egin zioten euskal gizarte osoari. Donostiako manifestazioa Antiguoz auzotik abiatuko da 17:30ean, eta Hazpameko 17:00etan.

Xabier Zubizarreta Arrasateko alkateak azaldu zuenez, manifestazio hauen bidez «drama baten salaketa» egin nahi dute. Izan ere, torturarena «euskal gatazkaren muinean dagoen arazo erabakigarria» dela iritziz EHko kideak. «Tortura desagerraraztea urrats erabakigarria izan daiteke gatazka gainditzeko», erantsi zuen Zubizarretak.

«Espainia ez da zuzenbidezko estatua», alkateen iritziz

EHko alkateen ustez, «zuzenbidezko estatua batean ezinezkoa izan behar du inor torturatzea, baina [Espainiako] lege antite-



Hamaika herritako alkateek egin zuten torturaren aurkako salaketa, atzo Bilbon.

roristak tratatu txarrak gertatzea ahalbidetzen du. Horregatik, zalantzarik gabe esan genezake ez garela zuzenbidezko estatu batean bizi». Izan ere, torturaren inguruko testigantza ugari dagoela adierazi zuen Zubizarretak, eta horiei ematen zaien erantzun bakarra salaketok «ukatzer» mugatzen dela erantsi. «Guk, aldiz, lekukotza hauek sinetsi eta gure egiten ditugu», gehitu zuen Arrasateko alkateak.

EHko hautetsiek zenbait al-

XABIER ZUBIZARRETA

Arrasateko alkatea

«Tortura amaitzea urrats erabakigarria izan daiteke euskal gatazka gainditzeko bidean»

derdi politikok torturaren aurrean agertzen duten jarrera arbuiaztu zuten, gogor: «PPk, UPNk eta PSOEk tortura dago-

ela ukatu baizik ez dute egiten, eta EAJ-EA, berriz, hitzez torturaren aurka azaltzen da, baina praktikan beste alde batera begiratzen du, isiltasun konplize batekin», adierazi zuten.

Torturarekin amaitu ahal izateko, Zubizarretak «benetan inplikatzeko» eskatu zien erakundeei, hedabideei eta euskal gizarte osoari. Izan ere, «jarra-aktibo» horrekin tratatu txarrak desagertzea posible dela nabarmendu zuen Xabier Zubizarretak.

EHk kenkari fiskalak eskatuko ditu preso guztien senideentzat

Haritz Gallastegi | BILBO

EHk ez-legezko saioa aurkeztuko du EAEko hiru lurraldeetako Batzar nagusietan eta Nafarroako Foru Parlamentuan Pertsona Fisikoen Errentaren gaineko Zergan preso guztien senitartekoei kenkari fiskalak ezartzeko.

Sabin del Bado Bizkaiko EHko batzarkideak aurkeztu zuen ekimena atzo Bilbon. Esan zuenez, kenkariak 2000. urteko aitorpenean aintzat hartzeko eskatuko dute, aurrean egiten den aitorpenean hain zuzen ere.

Zehazki, EHren proposamenak 64.000 pezetako kenkaria proposatzen du lehen mailako ahaidetasun harremanagatik eta 48.000koa bigarren mailakoagatik.

Ekimen honen helburua senide bat preso dutenei «horrek dakarren zama arintzen laguntzea» da. Del Badok azaldu zuenez, «badakigu ekimen honek ez dituela sakabaketa eta kartzelak eragiten dituzten arazoak konponduko, baina urrats txiki bat izango da senide bat preso duten familientzat». Horregatik, alderdien laguntza eskatu zuen ekimen honentzako.

EHko batzarkideak kazetariei azaldu zenez, Bizkaian ekimena maia-tzeko lehen astean onartzea espero dute.

Elkarrizketa al da bakerako bidea?

Ez

Bai

Euskadiri baietza.